

高息投資存款嘅實際應用

陳先生喺度籌備緊出年全家去澳洲黃金海岸旅行，要訂機票、酒店、仲要兌換澳元。除了直接兌換外幣之外，陳先生都可以考慮高息投資存款。賺到高息之餘，又有機會兌換更多澳元。

高息投資存款(DPS)係咩嘢嘅？

DPS 係一種同外幣掛鈎嘅結構性投資產品，潛在利息收入比一般定期存款高。

假設陳先生需要用港元兌換澳元，佢可以用 DPS 將港元掛鈎澳元。港元就係存款貨幣，澳元就係掛鈎貨幣，之後定好協定匯率或者利率。呢個協定匯率會比現價低，仲要定投資期，可以係 7 日至 3 個月不等。

所以只要距離去旅行仲有一段時間，你都可以考慮投資 DPS 嘅。

實際例子

呢度有個實際例子。假設依家一澳元兌換 5.4 港元，陳先生以 5.35 港元做為協定匯率。佢用 5000 港元掛鈎澳元，為期 7 日，年利率 10%。

一星期後，如果澳元匯價高過 5.35 港元，本金同利息就會以存款貨幣，即係港元結算。咁樣，陳先生可以收返港元本金同利息，賺到的利息就可以做為額外旅費。相反，當澳元匯價低過 5.35 港元嘅時候，本金同利息就會以掛鈎貨幣，即係澳元結算。喺咁嘅情況之下，陳先生就用要高過現價嘅協定匯率接貨，收返澳元本金同利息。雖然陳先生用要高啲嘅價錢買入外幣，不過 DPS 嘅利息都有機會彌補部份差價嘅。但係，如果澳元大幅下跌，就會有損失嘅啦。

DPS 有咩好處？

DPS 有四大好處：

第一，無論任何情況，DPS 都可以收息，一般利率都會高過定期存款

第二，只要 5000 港元就可以投資

第三，隨時睇網上或用手機投資都得

第四，有澳元，英鎊，加元等 11 種貨幣俾你選擇

外幣匯率經常會有升跌，如果你分段投資 DPS 嘅話，都可以收息同增加潛在回報嘅。所以無論去旅行、海外置業或者子女到外國升學，只要有外幣需求，DPS 都啱你投資。不過要記住，投資會涉及風險嘅。